



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

GIREIDI YA 12

TSHIVENDA LUAMBO LWA U ENGEDZA LWA U THOMA (FAL)

BAMMBIRI LA VHUVHILI (P2)

LARA 2021

MARAGA: 70

TSHIFHINGA: Awara $2\frac{1}{2}$

Bammbiri ili li na masiatari a 20.

PFESESANI

1. Vhalani siatari heli nga vhuronwane ni sa athu u fhindula mbudziso.
2. Ni SONGO lingedza u vhala bammbiri lothe. Tolani Thebuļu ya Zwi re Ngomu kha siatari li tevhelaho ni swaye nomboro dzo disendekaho kha bugu dze na guda riwaha uno. Vhalani mbudziso idzo ni koneha u nanga dzine na tama u fhindula.
3. Bammbiri heli lo vhumbwa nga KHETHEKANYO NN:

KHETHEKANYO YA A:	Nganea	(35)
KHETHEKANYO YA B:	Dirama	(35)
KHETHEKANYO YA C:	Nganeapfufhi	(35)
KHETHEKANYO YA D:	Vhurendi	(35)

4. Fhindulani MBUDZISO MBILI dzo fhelela u bva kha khethekanyo MBILI DZINWE na DZINWE.

KHETHEKANYO YA A: NGANEA

Fhindulani mbudziso MBILI kha nganea ye na guda.

KHETHEKANYO YA B: DIRAMA

Fhindulani mbudziso DZOTHE kha dirama ye na guda.

KHETHEKANYO YA C: NGANEAPFUFHI

Fhindulani mbudziso DZOTHE kha nganeapfufhi dze na newa.

KHETHEKANYO YA D: VHURENDI

Fhindulani mbudziso DZOTHE kha zwirendo zwe na newa.

5. Shumisani mutevhe wa u sedzulusa uri u ni thuse.
6. Tevhedzani ndaela dzo riwalwaho mathomoni a KHETHEKANYO INWE na INWE nga vhuronwane.
7. Nomborani phindulo dzaňu kokotolo sa zwe mbudziso dza nomboriswa zwone kha bammbiri la mbudziso.
8. Ndangatshifhinga yo anganyiwaho: Shumisani minetse i re henefha kha 75 kha KHETHEKANYO INWE na INWE.
9. Nwalani nga vhudele nahone zwi no vhonala.

ZWI RE NGOMU

Siatari ili li do thusa vhalingiwa kha u nanga mbudziso dzine vha todou dzi fhindula vha songo vhuya vha vhala bammbiri lothe.

KHETHEKANYO YA A: NGANEA

Fhindulani mbudziso DZOTHE kha nganea ye na guda.

NOMBORO YA MBUDZISO	MARAGA	SIATARI
1. <i>Utshila ndi u vhona</i>	18	5
2. <i>Utshila ndi u vhona</i>	17	6
3. <i>Ho dina one</i>	17	8
4. <i>Ho dina one</i>	18	9

KHETHEKANYO YA B: DIRAMA

Fhindulani mbudziso DZOTHE kha dirama ye na guda.

5. <i>Findinkodo</i>	18	11
6. <i>Findinkodo</i>	17	13

KHETHEKANYO YA C: NGANEAPFUFHI

Fhindulani mbudziso DZOTHE kha nganeapfufhi dze na newa.

7. 'Ndi a putedza ha itea dembe'	18	15
8. 'Ai! Ndi mini?'	17	16

KHETHEKANYO YA D: VHURENDI

Fhindulani mbudziso DZOTHE kha zwirendo zwe na newa.

9. 'Thingothendeleki'	18	18
10. 'Muungeledzi'	17	19

MUTEVHE WA U SEDZULUSA

Itani luswayo kha khethekanyo dze na fhindula dzone.

KHETHEKANYO	MBUDZISO	MBUDZISO DZI TEAHO U FHINDULWA	LUSWAYO ✓
A: Nganea	1–4	2	
B: Dirama	5–6	2	
C: Nganeapfufhi	7–8	2	
D: Vhurendi	9–10	2	
PFESESANI: Ivhani na vhutanzi uri no fhindula mbudziso u bva kha khethekanyo MBILI fhedzi.			

KHETHEKANYO YA A: NGANEA**MBUDZISO 1: *UTSHILA NDI U VHONA – RN MADADZHE***

Fhindulani mbudziso DZOTHE kha idzo dzi re afho fhasi dzo disendekaho kha nganea ye na guda.

Vhalani mafhungo a tevhelaho a bvaho kha nganea ye na guda uri ni kone u fhindula mbudziso dzo vhudziswaho. Vhulapfu ha phindulo yanu vhu do langwa nga tshivhalo tsha maraga dzo avhelwaho kha yeneyo mbudziso.

TSHIBVELEDZWA TSHA A

Nga ngomu vhuongeloni uvhu, kha dziwe dza ofisi, hu wanala dokotela Mpho. Mpho u khou endela u tola mabammbiri awe ane a amba nga ha malwadze o fhambanaho. Zwauri u dokotela, a zwi vhuyi zwa hanga. U vhonala o ambara ludzhasi lutshena lune madokotela manzhi lifhasini vha anzela u lu ambara. Tshiinwe tshifhinga u nga wana Mpho o litsha u vhala mabammbiri aya, wa wana o sedza nthu, zwi dubaho mulomoni hu si na zwinwe arali vhu si vhutsi. Hu hone vhutshilo kha vhaiwe li la maladze. Zwezwi e kha tshiimo itshi, ndi hune a anzela u vha a tshi khou humbula: 'Ngoho vhutshilo vhu khou ndiphela. Ndi fhano a hu na tshine nda lila. Nndu yo nakaho ndo fhaa ngeno musadzi wa thase ndo mala. Ndi tshi tshimbila, zwinoni zwi tou ita na u lidza miludzi ngeno vhathe vha tshi wa nga magona. Hone, tshine tsha khou ita zwauri namusi ndi pfe ndi sa diphini, ndi uri musadzi wanga ndi vho mu vhona sa khaladzi. Ndi vho mu vhona sa khaladzi nga nthani ha Maria. Muongi uyu a no pfi Maria o dinakela vha hashu. Ngavhe ndo vha ndi sa athu u vhinga, ndo vha ndi tshi do diposa khae, naho e na muhannga wawe. Ndi zwa vhukuma, thavhanyedza i la mbudzi, tsalela i la kholomo. Ndi fanela u vhamba maano a u wana hoyu Maria, huufha na ene a tshi nga u ya ntakalela!' 5 10 15

- 1.1 Bulani fhethuvhupo ha mafhungo aya. (1)
- 1.2 Mafhungo e na vhala a khou bvelela nga tshifhinga tshifhio? (1)
- 1.3 Tshipida tshe na vhala tshi bvukulula Mpho sa muthude? Ndi ngani ni tshi ralo? (2)
- 1.4 Ndi ngani Mpho o diwana e afho sibadela? (2)
- 1.5 Muanewa mulutanyi buguni iyi ndi nnyi? Ndi ngani ni tshi ralo? (2)

1.6 Nangani phindulo yo teaho.

Mufumakadzi wa Mpho ane a khou ri ndi thase ndi ...

- A Dugudzha.
- B Aifheli.
- C Maria.
- D Phophi.

(1)

1.7 Vhudipfi ha Mpho mafhungoni aya ndi vhufhio? Tikedzani phindulo yanu. (2)

1.8 Talutshedzani zwo bvelelaho mathakeni a bugu iyi. (2)

1.9 Ndi zwifhio zwine muñwali wa bugu iyi a khou tama ri tshi guda malugana na vhudifari ha Mpho? (2)

1.10 Ni a tendelana naa na muhumbulo wa muñwali a tshi ri 'U tshila ndi u vhona' no sedza nganea iyi? Tikedzani phindulo yanu. (3)

[18]

NA

MBUDZISO 2: *UTSHILA NDI U VHONA – RN MADADZHE*

Vhalani mafhongo a tevhelaho a bvaho kha nganea ye na guda uri ni kone u fhindula mbudziso dzo vhudziswaho. Vhulapfu ha phindulo yanu vhu do langwa nga tshivhalo tsha maraga dzo avhelwaho kha yeneyo mbudziso.

TSHIBVELEDZWA TSHA B

Zwauri Dugudzha a nga vha e ngafhi izwovho ha zwi divhi vhunga vho lwa mulovha vha tshi lwela tshelede. Fhedzi, o pfa Dugudzha a tshi amba la u shavhela doroboni. Zwezwi Dzwaini a tshi amba la u lwela tshelede, Vho Maano na Aifheli vho mbo di delwa nga muhumbulo wa uri muthu we a vha rwela luingo mapholisani a tshi ambulula Dzwaini, a hu na muñwe arali e si Dugudzha. Dza mbo di vha dzo bva goloi dza ya dza thivha magondo mahulwane othe a la Vuvha na kha mashango a masakha na. Mapholisa vho thusea nge vha vha vhe na tshinepe tsha Dugudzha tshe vha fhiwa tshone nga Dzwaini.

5

'Ndi amba vhosedzheni.' Muambi ndi Aifheli.

'Nndaa! Mulandu ndi mini?'

10

Ndi kale nga maanda ri tshi khou imisa goloi hafha badani, fhedzi u swika zwino, a ri athu na u wana uyo muthu ane a pfi Dugudzha. ThaÑwe ro sokou thivha hafha badani ngeno hu uri muthu uyo hu kale o shavha.

'Vhunga ri si na vhuñanzi ha uri o shavha kana ho ngo shavha, ndi khwiñe ri tshi sokou lindela. Arali ra sa mu wana nga u thivha hashu bada, a zwo ngo khakhea. Zwi 15 nga da zwa khakhea arali ro no tuwa, ra pfa hu tshi pfi o fhira nga henefha.'

- 2.1 Kha mafhungo a re afho nthā ndi nnyi o potaho muñwe mapholisani? (1)
- 2.2 Ndi vhushakađe vhu re hone vhukati ha Mashudu na Maria? (2)
- 2.3 Mafhungo a re afho nthā a wela kha tshipida tshifhio tsha puloto? (2)
- 2.4 Ndi zwifhio zwi no sumbedza uri Vho Maano na Aifheli vha khou ita mushumo wavho? (2)
- 2.5 Masiandaitwa e a vha hone kha Mpho nge a ita tshikwekwe tsha u renga Dzwaini na Dugudzha ndi afhio? (2)
- 2.6 Ndi khuđano ya lushaka lufhio yo bvelelaho vhukati ha Dzwaini na Dugudzha musi vho no vhulaha Mashudu? Tikedzani phindulo yanu. (2)
- 2.7 Thasululo ndi tshipida tshine nyito ya wa hone. Ri ḥalutshedzeni zwo iteaho kha nganea iyi. (2)
- 2.8 No ḫitika nga mafhungo a bugu iyi ndi zwifhio zwi no ḫana Mpho sa muthu a sa ḫthonifhi mushumo wawe? (2)
- 2.9 Inwi ni vhona kutshilele kwa Mpho wa dokotela ku tshi ḫanganedzea kha tshitshavha? Tikedzani phindulo yanu. (2)

[17]

MBUDZISO 3: *HO DINA ONE – S Mbedzi*

Fhindulani mbudziso DZOTHE kha idzo dzi re afho fhasi dzo disendekaho kha nganea ye na guda.

Vhalani mafhungo a tevhelaho a bvaho kha nganea ye na guda uri ni kone u fhindula mbudziso dzo vhudziswaho. Vhulapfu ha phindulo yanu vhu do langwa nga tshivhalo tsha maraga dzo avhelwaho kha yeneyo mbudziso.

TSHIBVELEDZWA TSHA C

Mirwaha ya di salana murahu Ngeletshedzo e madakaloni o yaho nga u fhambana. Na ifa na lone la vha li tshi khou fhambana nae nga zwi^{ku}nga zwi^{ku}. Kha o^{the} mabindu e mukalahha vha a sia vhuvhili hao, zwithu zwa thoma u thenga-thenga nga zwi^{ku}. Naho mukegulu vho kaidza na u sundela kule na mabindu, Ngeletshedzo o vha a tshi vho tou ita zwithu nga swili. Tshelede ye vha vha vha tshi vha vho i shuma vha khakha vha mu ruma uri a ye a i vhulunge, yo vha i tshi mbo iswa madiki^tani. Vhukuma mu^{than}nga a shanduka dzuvha vhune vhuthwethwe ha sa tambele kule na^o. Dza nga vha dzi notshi dzi dzula dzo li momela. Izwi zwa ita uri Ngeletshedzo a shanduke khosi i si na shango.

'Ngeli we, tshila tshifhinga tsha uri ndi yo dalela vhabebi vhanga tsho swika. Ni a divha ndi do ni tuvha nne.' Veronica u ralo o edela kha khana ya Ngeletshedzo a tshi khou ralo u endela u mu vhand^a tshanda.

'U a divha Vero ndi do sala ndo tou tu^{tu} sa tshiiivha maduvha o^{the} ane a do vha e siho. Hu di tou vha uri o vhidzwa nga vhabebi vhaw^e, arali hu si hezwo ndo vha ndisa do pfesesa.'

5

10

15

- 3.1 Kha mafhungo a re afho nth^a ndi nnyi we a kaidziwa nga mukegulu? (1)
- 3.2 Ndi vhus^hakade vhu re hone vhukati ha Osbon na Musuku? (2)
- 3.3 Mafhungo a re afho nth^a a wela kha tshipida tshifhio tsha puloto? (2)
- 3.4 Ndi zwifhio zwi no sumbedza uri Ngeletshedzo u a funa Veronica? (2)
- 3.5 Masiandaitwa e a vha hone kha Ngeletshedzo nga u fhulufhela Veronica kha zwa u renga goloi ndi afhio? (2)
- 3.6 Ndi khudano ya lushaka lufhio yo bvelelaho vhukati ha Ngeletshedzo na Vho Olga? Tikedzani phindulo yanu. (2)
- 3.7 Muhumbulo muhulwane wa nganea iyi ndi ufhio? (2)

- 3.8 No ditika nga mafhongo a bugu iyi ndi zwifhio zwi si zwavhuđi zwe Ngeletshedzo a ita zwi no kwama mushumo wa mabindu? (2)
- 3.9 Inwi ni vhona kutshilele kwa Ngeletshedzo ku tshi ḥanganedzea kha tshitshavha? Tikedzani phindulo yañu. (2)

[17]

NA

MBUDZISO 4: HO DINA ONE – S Mbedzi

Vhalani mafhongo a tevhelaho a bvaho kha nganea ye na guda uri ni kone u fhindula mbudziso dzo vhudziswaho. Vhulapfu ha phindulo yañu vhu ḫo langwa nga tshivhalo tsha maraga dzo avhelwaho kha yeneyo mbudziso.

TSHIBVELEDZWA TSHA D

'Ngamula kha i vuve i ise goloi kha makhanikhe wanga, Ro mbo ḫi thula kholomo nga hangei mabulasini ri tshi khou vhuya.' Ndi Zakes we a ralo.

'Ho luga muhulwane wanga.' U khou ralo Ngeletshedzo a tshi khou livha hu re na sambelo uri a yo u ḥamba. O ri u fhedza a mbo livha kha Zakes.

'Phasela ḫila khei ngamula yanga.' U khou ralo Zakes a tshi khou ḥetshedza 5 Ngeletshedzo tshigidi tsha .38 tsho putelwaho.

Ngeletshedzo o ri u tshi ḥanganedza a tshi putulula fhaļa. U fhedza a tshi vhandā a dovha a tshi khou setshelela. A tshi vhea kha khundu a tshimbila a tshi khou ḥongelela. U fhedza a ima a pinika milenzhe.

'Zwa zwino a thi tsha vhudzwa maloto nga vhatukana. U tou nwee-nwee ndi khou 10 longa mutobvu ḫamani.' U khou ralo Ngeletshedzo a tshi khou kodedza na nga zwanda.

'Hafha ndo n̄wala ndila ine ngamula ya ḫo i shumisa u swika kha makhanikhe. Khetshi tshibammbiri.' U khou ralo Bra Zakes a tshi khou ḥetshedza Ngeletshedzo tshibammbiri. 15

Ngeletshedzo o mbo ḫi dzhena kha Kia Rio a vha o ya. A tshi swika hune ha vha na ndunduma vhukati hā bada a tshi fhira a pfa hu tshi nga hu na zwithu buthuni. Ene a ḫi bvela phanda na u reila. Duvha ḫo sala li tshi balangana Ngeletshedzo o no fhungudza lwendo vhukuma.

- 4.1 Bulani fhethuvhupo ha mafhongo aya. (1)
- 4.2 Mafhongo e na vhala a khou bvelela nga tshifhinga tshifhio? (1)

- 4.3 Tshipida tshe na vhala tshi bvukulula Bra Zakes sa muthude? Ndi ngani ni tshi ralo? (2)
- 4.4 Ndi ngani Ngeletshedzo o diwana e Gauteng? (2)
- 4.5 Tsho lutanyaho Ngeletshedzo na Veronica ndi mini? (2)
- 4.6 Nangani phindulo yo teaho.
- Nwana wa mmame wa Veronica ndi ...
- A Sibongile.
 B Ruth.
 C Bongi.
 D Ntombi. (1)
- 4.7 Vhudipfi ha Ngeletshedzo mafhungoni aya ndi vhufhio? Tikedzani phindulo yanu. (2)
- 4.8 Ri vhudzeni zwiwo zwo bvelelaho mathakheni a bugu iyi. (2)
- 4.9 Ndi zwifhio zwine muriwali wa bugu iyi a khou tama ri tshi guda nga vhutshilo ha Ngeletshedzo malugana na u sa funzea? (2)
- 4.10 Ni a tendelana naa na muhumbulo wa muñwali a tshi ri: *Ho dina one no sedza vhutshilo ha Ngeletshedzo?* Tikedzani phindulo yanu. (3)
 [18]

THANGANYELO YA KHETHEKANYO YA A: 35

KHETHEKANYO YA B: DIRAMA**MBUDZISO 5: FINDINKODO – TT Mudau**

Fhindulani mbudziso DZOTHE kha idzo dzi re afho fhasi dzo disendekaho kha dirama ye na guda.

Vhalani mafhungo a tevhelaho a bvaho kha dirama ye na guda uri ni kone u fhindula mbudziso dzo vhudziswaho. Vhulapfu ha phindulo yanu vhu do langwa nga tshivhalo tsha maraga dzo avhelwaho kha yeneyo mbudziso.

TSHIBVELEDZWA TSHA E

MUTHUMUKHULU:	Ri do tou vouta-ha. Vhane vha ri dimokirasi zwanda nthā. <i>(Ha vhonala zwanda nga vhusi.)</i> Vhane vha ri dimokirasi a si yone, zwanda nthā. <i>(Ha vhonala zwanda zwi si gathi.)</i> Ahaa, zwi tou vha khagala uri vhatu vha nanga dimokirasi. Zwino-ha, ri khou pfana kha ndayotewa ntswa. Muvhuso u daho u do vha na thoho nthihi ine ya vha na muphuresidenthe, na muthusaphuresidenthe muthihi fhedzi.	5
DE WIT:	Hezwi a si zwone, ndi vhufhura ha vhukwila. Malan, Dries, Coetzee, kha ri bve. <i>(Hu vhonala vhanna vha lihoro ja Lushaka vha tshi bva.)</i>	10
MUTHUMUKHULU:	Rine ri ya phanda na u fhata lushaka lwa shango lashu. Naa kani hu na muñwe ane a tama u vha tsaleli kha bono lashu?	15
VHOTHE:	A hu na tsaleli.	
MUTHUMUKHULU:	Malofha a vhana vhashu, malofha a khaladzi, vharathu na vhakomana, ho ngo fhalalela lifhedzi. Ndi 'One man one vote', a hu tshee na liñwe. Ndi yone dimokirasi heyo.	20
VHOTHE:	Ee, wo bula muphuresidenthe washu.	
MUTHUMUKHULU:	Vhatu vhalā vho bvaho a vha ntshuwisi. Nahone vho ita zwone vha bva ngauri vho vha vhe kha u ri piringedza ngauri bono lashu a si bono lavho. Vho kambwa nga mutoli wa 'apartheid', a vha vhone zwa phanda, vha humbula murahu.	25
VHOTHE;	Iina! Iina!	
MUTHUMUKHULU:	Phambili ne RDP phambili!	
VHOTHE:	Phambili!	
SKOSANA:	Viva Muthumukhulu viva!	
VHOTHE:	Viva!	

MUTHUMUKHULU: Aiwa, nndwa yashu zwino ndi ya u fhungudza vhugevhenga na u lusa u sika mishumo kha vhadzulapo. Ndayotewa ya shango lashu yo fhela. Ndi lone ifa la vhana vha vhana vhashu. Ndaa! (*Ha pfala nyimbo kati ha mihuvho.*)
(*Vha a bva.*)

- 5.1 Ndi ndila ifhio yo shumiswaho nga vharangaphanda vha mahoro u vhona vha takalelaho dimokirasi? (1)
- 5.2 Muthumukhulu ndi wa lihoro lifhio? (1)
- 5.3 Khudano kha mafhundo aya i khou vhangwa nga mini? (2)
- 5.4 Vhuimo ha Muthumukhulu kha lihoro ndi vhufhio? Tikedzani phindulo yanu. (2)
- 5.5 Ndi vhafhio vhane vha khou pikisana na Muthumukhulu buguni iyi? (2)
- 5.6 Nangani phindulo yo teaho kha mutevhe wo nekedzwaho.
Mafhundo a muvhuso a rerwa ...
- A tshikoloni.
B dzhele.
C phalamenndeni.
D kerekenei. (1)
- 5.7 Ndi afhio mafhundo a bveledzaho thasululo kha dirama iyi? (2)
- 5.8 Lihoro la Madimokirati li fhambana hani na lihoro la Lushaka? (2)
- 5.9 Ni a tendelana naa na muhumbulo wa uri malofha a vharema ho ngo fhalalela lifhedzi? Tikedzani phindulo yanu. (2)
- 5.10 Inwi ni vhona u dzhiwa ha muvhuso nga Madimokirati zwi na mbuelo? Tikedzani muhumbulo wanu. (3)

NA

MBUDZISO 6: FINDINKODO – TT Mudau

Vhalani mafhungo a tevhelaho a bvaho kha ḫirama ye na guda uri ni kone u fhindula mbudziso dzo vhudziswaho. Vhulapfu ha phindulo yanu vhu ḫo langwa nga tshivhalo tsha maraga dzo avhelwaho kha yeneyo mbudziso.

TSHIBVELEDZWA TSHA F

DUMA:	Haho ḫifhasi lothe, vhukuma haho. Kha vhane vha vhusa shango lino la Afrika, ane a nga Muthumukhulu ha tsha ḫo vha hone. Muthumukhulu, munna wa mbilu ndapfu. A no dzulela u kanda mupfa a tshi u vhona. Munna wa lufuno, munna a sa neti. <i>(A fhumula)</i>	5
	Nne nne Duma ndi nga si fane nae. <i>(Hu pfala u omba-omba)</i>	
	Ndi nnyi?	
IPFI:	Ndi nne Skosana, ministra wa ...	
DUMA:	Dzhena! <i>(Hu dzhena Skosana)</i>	10
SKOSANA:	<i>(A tshi khada Duma)</i> Lo kovhela.	
DUMA:	Lo kovhela zwavhudzi.	
SKOSANA:	Ndi khou bva u vhonana na murangaphanda wa dzangano la vhashumi.	15
DUMA:	<i>(O bvisa matō)</i> Ii, u ri mini?	
SKOSANA:	<i>(A tshe o ima)</i> Ndi dzule?	
DUMA:	Tsho, dzula zwau. <i>(Skosana u a dzula)</i>	
SKOSANA:	Houla munna u vhona nga maforokiki sa nne. Ngoho zwe a amba ndo dolana nazwo , hafhu nne na ene ri a fana.	20
DUMA:	Ii, u ri mini?	
SKOSANA:	Thaidzo ndi nthihi.	
DUMA:	Bulai mungana.	
SKOSANA:	<i>(No tshifhinganyana)</i> Thaidzo ndi nakudze.	25
DUMA:	Bula nga dzina.	
SKOSANA:	Thaidzo ndi Phuresidenthe washu- o lugesa, nahone o luga u fhirisa u luga. U a vhona, ḫifhasi lino a li ḫodi vhathu vha no nga Vho-Jesu. Wa mbilu ya vhulenda, tshawe a hu na arali hu si u itwa futhibola ine ya rahelwa vhukovhela ya dovha ya vhuya vhubvaduvha. Wo no vhuya 30 wa vha vhona vha la vhanna vha basikethebola vha Amerika?	

- 6.1 Vhaambi vha mafhungo aya vha wela kha ḫihoro ḫifhio? (1)
- 6.2 Mafhungo e na vhala a khou bvelela kha tshifhinga tshifhio? (2)

- 6.3 Khu $\ddot{\text{d}}$ ano vhukati ha Duma na Skosana i khou vhangwa nga mini? (2)
- 6.4 Muthumukhulu o olwa sa muanewa wa mvumbo $\ddot{\text{d}}$ e? Tikedzani. (2)
- 6.5 Lifurase $\ddot{\text{l}}$ o swifhadzwaho $\ddot{\text{l}}$ i bvisela khagala zwifhio vhukati ha Skosana na murangaphanda wa vhashumi? (2)
- 6.6 Vhudipfi ha vharema musi vhatshena vha tshi bva kha muvhuso wa mbuelano ndi vhufhio? Tikedzani phindulo yan $\ddot{\text{u}}$. (2)
- 6.7 Masiandaitwa e a bvelela kha Skosana nga u sa tevhedza ndaela ya lihor $\ddot{\text{o}}$ ndi afhio? (2)
- 6.8 Ndi zwivhuya zwifhio zwi no bveledzwa nga u $\ddot{\text{d}}$ ala ha mahoro phalamenndeni? (2)
- 6.9 Ni vhona u dzhenelela ha vhaswa kha polotiki ya shango zwi zwa ndeme? Tikedzani phindulo yan $\ddot{\text{u}}$. (2)

THANGANYELO YA KHETHEKANYO YA B: 35
[17]

KHETHEKANYO YA C: NGANEAPFUFHI**ZWA VHUTSHILO – NA Milubi na LL Mafenya****MBUDZISO 7: 'NDI A PUTEDZA HA ITEA DEMBE' – NA Milubi**

Fhindulani mbudziso DZOTHE kha idzo dzi re afho fhasi dzo disendekaho kha nganeapfufhi ye na guda.

TSHIBVELEDZWA TSHA G

U bva afho vha humbela muriwe munna wa thekhisi uri a vha ise hayani. Vha tshi swika vha vala muñango vha ya vha dzula kamarani ya vhuawelo. Vhe henefha ndi hezwi vha tshi vhona mufumakadzi wavho a tshi khou diswa nga goloi. Vha vhona mufumakadzi wavho a tshi khou mamana na muriwe mulume, Narina a fara mulume uyo nga ndila ye a vha a sa athu vhuya a vha fara ngayo na duvha na lithihi. Vha pfa Narina a tshi vhudza ula mulume a tshi ri: 'Afha o no tou vha mafhongo a u dzulela yone gurozari, ya nga vha mbilu a i tsheeho fhano, yo tuwa na vhone nahone i dzula i na vhone.' Vho Gideon Dimbalala vha lingedza u sedzesha uri munna uyu ndi nnyi, fhedzi vha balelwa ngauri goloi ya hone yo vha yo swifhadzwa mafasitere. Vha vhona Narina a tshi sala o talela goloi ngeno yone i tshi khou dubisa buse i tshi ya naalo la muendeulu.

Zwenezwo vha pfa khii i tshi khou dzheniswa vothini. Vha pfa vothi li tshi khou vuliwa. Mitsindo vha tou i pfa zwavhuđivhuđi uri i khou da ngeno hune vha vha hone, Narina a mbo dzhena rumuni a sa vhuyi a humbula nani. Zwenezwo a tshi tou khithi mađo e vhona. Khathihhi fhedzi e tshenutshenu.

5

10

15

'Nisongo tshuwa. Ndi nne Gideon Dimbalala. Ni khou vhona nne wa vhukuma. **A ni khou vhona tshipuku.** Mmbudzeni uri ndi nnyi houla we na vha ni nae.'

- 7.1 Ndi vhushakade vhu re hone vhukati ha Vho Gideon Dimbalala na Vho Narina? (2)
- 7.2 Mafhongo e na vhala a khou bvelela nga tshifhinga tshifhio? (2)
- 7.3 Bulani tshivhangi tsha khuđano vhukati ha Vho Gideon Dimbalala na Vho Narina. Tikedzani phindulo yanu. (2)
- 7.4 Talutshedzani lifurase lo swifhadzwaho no li livhanya na zwo bvelelaho kha nganeapfufhi iyi. (2)
- 7.5 U ya nga mafhongo e na vhala, Narina o olwa sa mubvumbedzwade? Tikedzani phindulo yanu. (2)

- 7.6 Ndivho ya nganeapfufhi iyi ndi ifhio? (2)
- 7.7 Sumbedzani zwine Nora na Vho Narina vha fana ngazwo. (2)
- 7.8 Ni vhona thoho ya nganeapfufhi iyi yo tea? Tikedzani phindulo yanu. (2)
- 7.9 Arali no vha ni na mufumakadzi a no nga Vho Narina no vha ni tshi do ita mini nga zwiito zwawe two bvaho? Tikedzani phindulo yanu. (2)
- [18]

NA

MBUDZISO 8: 'AI! NDI MINI?' – LL Mafenya

TSHIBVELEDZWA TSHA H

Nga itshi tshifhinga Vho Mathada vho vha vha tshi khou kumedza. Avhaathu a sedza Vho Mathada hafhu, a tshi vhona dzi tshi khou lela a vho vhudza hoyu Mangalani uri ene u khou pfa a si khou takala hezwi a tshi khou amba na Sofi. A tshi isa phanda a vho amba na nga tshikuwa a ri 'I am becoming jeaolos'.

Mangalani u pfa izwo a tou funa zwone. A vho thoma u isa tshanda tshawe kha 5 tshirumbi tsha Avhaathu. Tshikete tsha Avhaathu tsho vha tshi na piliti, tsho vulea nga hafha phanda. Vha no zwidivha vha ri ndi tshikete tsha 'vula'. Tsho vha tsho vulea lune zwirumbi zwa hoyu Avhaathu wa wana two sala nnnda.

Tshanda tsha Mangalani tsho ri tshi tshi khou di ya tshi tshi ya. Avhaathu a vho vhonala a tshi vho sokou poidza ma. Muriwe nga fhalala a pfala a tshi tou ambela 10 phasi a tshi ri: 'Vhafunzi ndi vha mulovha, vha namusi ndi matarelwa.'

Kale hu si lini, Mangalani a vhonala a tshi khou hevhedzana na Avhaathu. Zwenezwo Avhaathu taku! Nga murahu Mangalani na ene taku! Vho Salani vha sala vho fara thaha.

Vho Mathada vha tshi ri papara vha wana Avhaathu haho. Vha livhalivha vha tshi 15 khou noliedza ma.

- 8.1 Mafhungoni aya ndi nnyi we a vha a tshi khou kumedza? (1)
- 8.2 Bulani muanewa dendele na thaidzo yawe kha ngaeapfufhi iyi. (2)
- 8.3 Mafhongo e na vhala a tana tshipida tshifhio tsha puloto? Tikedzani phindulo yanu. (2)

- 8.4 Mu $\ddot{\text{t}}$ odo muthihi muhulwane wa nganeapfufhi iyi wo bveledzwa nga ndila yone naa? Tikedzani phindulo yan $\ddot{\text{u}}$. (2)
- 8.5 Nangani phindulo yo teaho kha mutevhe wo nekedzwaho.
- Fhethu he Avhaathu a wanetshedzwa e na Mangalani ndi ...
- A Mudini wa Mangalani.
 B Mudini wa Narina.
 C Thoilethe.
 D Kerekeni. (1)
- 8.6 Thero ya nganeapfufhi iyi ndi ifhio? Tikedzani phindulo yan $\ddot{\text{u}}$. (2)
- 8.7 Sumbedzani mvumbo ya Avhaathu no sedza vhu $\ddot{\text{d}}$ fari hawe. (2)
- 8.8 Mathakheni a nganeapfufhi iyi o bveledzwa zwavhu $\ddot{\text{d}}$? Tikedzani phindulo yan $\ddot{\text{u}}$. (2)
- 8.9 Inwi ni vhona mu $\ddot{\text{n}}$ wali o zwi kona naa u fusha $\ddot{\text{t}}$ hodea ya nganeapfufhi ya u sia muyani? Tikedzani phindulo yan $\ddot{\text{u}}$. (3)

THANGANYELO YA KHETHEKANYO YA C: 35
[17]

KHETHEKANYO YA D: VHURENDI***SHOTHODZO – TN Pholi na TK Mkansi***

Kha iyi khethekanyo, mbudziso dzi bva kha zwirendo zwi tevhelaho:

- 'THINGOTHENDELEKI' – TN Pholi
- 'MUUNGELEDZI' – TN Pholi

Fhindulani mbudziso DZOTHE kha idzo dzi re afho fhasi dzo disendekaho kha zwirendo zwe na guda.

MBUDZISO 9

Vhalani tshirendo tshi tevhelaho uri ni do kona u fhindula mbudziso dzo disendekaho khatsho.

THINGOTHENDELEKI – TN Pholi

- 1 Ndi vhangana we wa vha leludzela vha takala?
- 2 Ndi hungana he wa hu leludzela ra pembela?
- 3 U fha^{ta} hafha, wa thutha hafho.
- 4 U t^{av}hanya sa lupenyo vhai!
- 5 Tshilengo a si tshau,
- 6 Tshikolo ndo kundiswa nga iwe,
- 7 Mushumoni ndo thathiswa nga iwe,
- 8 Mbingano yanga yo pfuvhiswa nga iwe,
- 9 Thingothendeleki, iwe mutendeleki.
- 10 Mit^{od}zi yanga namusi khei,
- 11 A u sedzi, u dzula wo fulela,
- 12 U khou di thutha ha thuthea,
- 13 U khou di fha^{ta}, ha fhatea,
- 14 Thingothendeleki vhabebi vhau vha ngafhi?.
- 15 Mmbudze, ndi vha vhudze vha tevhele nwana wavho.

- 9.1 Topolani ipfi li ambaho thingokhwalwa kha tshirendo itshi. (1)
- 9.2 Thingothendeleki dzi leludza kha sia lifhio? (1)
- 9.3 Ro sedza tshirendo itshi, thingothendeleki dzi na vhuvhi. Neani vhuraru. (3)
- 9.4 Hu na figara ya muambo yo shumiswaho kha vese 4. Inwi bulani dzina layo. (1)
- 9.5 Kha tshirendo itshi vhabebi vha thingothendeleki hu khou ambiwa vhonnyi kha tshitanza tsha vhuraru? (2)

- 9.6 Nwalani tshikimu tsha raimi tsha tshitanza tsha u thoma. (2)
- 9.7 Ndivho ya murendi kha tshirendo itshi ndi ifhio? (2)
- 9.8 Vhudipfi ha murendi kha tshirendo itshi ndi vhufhio? Tikedzani phindulo yanu. (2)
- 9.9 Vese 10 kha tshirendo itshi i bvisela zwifhio khagala? (2)
- 9.10 Inwi ni vhona ḥingothendeleki dzi tshi pwasha miđi naa? Tikedzani phindulo yanu. (2)
- [18]

NA

MBUDZISO 10

Vhalani tshirendo tshi tevhelaho uri ni do kona u fhindula mbudziso dzo disendekaho khatsho.

MUUNGELEDZI – TN Pholi

- 1 Thoho yanga yo oma,
 2 Thi pfi ndi tshi da ndi a ungeledza,
 3 Ndo fara la gunda mbava gwekwe,
 4 Mukuloni hosho!
 5 Zwa ya na vhusula.
- 6 Ndo ni vhona ni tshi femeleka,
 7 Ndo ni pfa ni tshi raha-raha,
 8 Na muñedza milomo no farana,
 9 Nga mbilu nde ndo fasha,
 10 Ndi dwadzemboho, thi konwi nga dzilafho.
- 11 Ndi bumudzekanya zwikalaha thoho dzo tshena,
 12 Ndi maphekanya zwickegulu migo zwo fara,
 13 Thivhilaedzwi nga u hula ha phanda thohoni,
 14 Ndi muungeledzi ndi da nga mapiton'i.
 15 Vhaswa thi rabeledzi vhuswa havho,
 16 Ndi fara nda vhu sotekanya nda lača,
 17 Vhaswa vha shanduka vhakalaha nga husili,
 18 Thoho yanga yo oma, ndi liviavhathu.

19 Thi shushedzwi nga lupfuno lwañu,
 20 Vhuimo hañu a si guru kha nñe,
 21 Ndi ni tshipaledza mañu a rondolowa,
 22 Lupfumo na vhuimo zwa sala.

23 Ndi ofha na u ofhesa muthu a pfaho,
 24 A ditsireledzaho, a fhulufhelaho fhethu huthihi,
 25 Khundavhalai ndi vunda mutsinga,
 26 Ndi pfi AIDS fhedzi thuso thi nayo.

- 10.1 Kha tshitanza tsha vhuraru topolani ipfi li no sumbedza uri muungeledzi u da nga zwa vhudzekani. (1)
- 10.2 Bulani zwithu zwivhili zwine muungeledzi ha shushedzwi ngazwo no sedza tshitanza tsha vhuna. (2)
- 10.3 Figara ya muambo yo shumiswaho kha tshirendo itshi ndi ifhio? (1)
- 10.4 Khalo ya tshirendo itshi ndi ifhio? Tikedzani phindulo yanu. (2)
- 10.5 Topolani mitaladzi mivhili kha tshitanza tsha vhutanu i no khwañhisedza uri muungeledzi hu na vhathu vhane a vha ofha? (2)
- 10.6 Kha vese 20 hu na ipfi 'Guru', inwi sumbedzani uri guru ndi mini? (2)
- 10.7 Talutshedzani zwine vese 5 ya amba zwone. (2)
- 10.8 Muhumbulo muhulwane wa tshitanza tsha vhuraru ndi ufhio? (2)
- 10.9 Nga murahu ha u vhala tshirendo itshi, inwi ni nga eletshedza zwifhio vhañwe vhaswa sa inwi no sedza khombo dzi no vhangwa nga muungeledzi? (3)
 [17]

**THANGANYELO YA KHETHEKANYO YA D:
MARAGAGUTE:** 35
70